

*Sundlaugavegur 34, deiliskipulag.*

Samkvæmt skipulags- og byggingarlögum hefur borgarráð Reykjavíkur þann 17. ágúst 1999 samþykkt skipulag lóðarinnar Laugarnesvegur 34. Á lóðinni er gert ráð fyrir gistiheimili, skrifstofum og þjónustu við tjaldsvæðið í Laugardal.

Deiliskipulagið hefur verið sent Skipulagsstofnun til yfirferðar.

Skipulagið öðlast þegar gildi.

*Sundaborg 8, stækkun lóðar.*

Samkvæmt skipulags- og byggingarlögum hefur borgarráð Reykjavíkur þann 27. september 1999 samþykkt skipulag lóðarinnar Sundaborg 8. Lóðin stækkar til norðausturs og byggt verður við vörugeymslu á lóðinni.

Skipulagið hefur verið sent Skipulagsstofnun til yfirferðar.

Skipulagið öðlast þegar gildi.

*Kirkjusandur 2, breyting á skipulagi.*

Samkvæmt skipulags- og byggingarlögum hefur borgarstjórn Reykjavíkur þann 24. janúar 2000 samþykkt breytingu á skipulagi lóðarinnar Kirkjusandur 2. Nýr byggingarreitur, E, gengur inn í byggingarreiti A og B þar sem reist verður 4-5 hæða hús með inndreginni efstu hæð.

Skipulagsbreytingin hefur verið send Skipulagsstofnun til yfirferðar.

Breytingin öðlast þegar gildi.

*Reykjavík, 8. mars 2000.*

**Þorvaldur S. Þorvaldsson** skipulagsstjóri.

1. mars 2000

Nr. 165

## SKIPULAGSSKRÁ

fyrir Líknar- og viðlagasjóð kirkjunnar.

1. gr.

Sjóðurinn nefnist Líknar- og viðlagasjóður kirkjunnar.

2. gr.

Heimili sjóðsins er í Reykjavík.

3. gr.

Sjóðurinn er myndaður að tilhlutan biskups Íslands með sameiningu eftirtalinna sjóða:

| Heiti sjóðs                                                      | Stofnframlag kr. | Hlutf. í % | Heimild                                           |
|------------------------------------------------------------------|------------------|------------|---------------------------------------------------|
| Barnahælissjóður Jórunnar Melsted                                | 295.737          | 2%         | Skipulagsskrá staðfest 21. des. 1928 nr. 285/1928 |
| Ekknasjóður Íslands                                              | 6.775.134        | 49%        | Skipulagsskrá staðfest 21. jan. 1944 nr. 554/1944 |
| Fæðingargjafasjóður Íslands                                      | 709.083          | 5%         | Ekki tiltækar upplýsingar                         |
| Gjafasjóður Sigríðar Helgadóttur                                 | 977.784          | 7%         | Erfðaskrá dags. 14. jan. 1942                     |
| Hjálparsjóður biskups                                            | 15.485           | 0%         | Ekki tiltækar upplýsingar                         |
| Líknarsjóður                                                     | 1.113.412        | 8%         | Ekki tiltækar upplýsingar                         |
| Minningarsjóður Ingunnar Knútsdóttur og Sigríðar Kristjánsdóttur | 175.335          | 1%         | Skipulagsskrá staðfest 27. okt. 1939 nr. 450/1939 |

| Heiti sjóðs                                       | Stofnframlag kr. | Hlutf. í % | Heimild                                          |
|---------------------------------------------------|------------------|------------|--------------------------------------------------|
| Prestekknasjóður                                  | 3.409.677        | 24%        | Tilskipun útg. 15. des. 1865                     |
| Styrktarsjóður Hjálmars Jónssonar                 | 295.536          | 2%         | Skipulagsskrá staðfest 10. júní 1903 nr. 70/1903 |
| Styrktarsjóður Þorsteins Scheving Thorsteinssonar | 275.146          | 2%         | Ekki tiltækar upplýsingar                        |

## 4. gr.

Tilgangur sjóðsins er að veita líknar- og viðlagaaðstoð innanlands. Við úthlutun skal, svo sem unnt er og aðstæður leyfa, hafa hliðsjón af óskum stofnenda sjóða þeirra er greinir í 3. gr., svo og stofnhlutdeild hvers sjóðs fyrir sig.

## 5. gr.

Stjórn sjóðsins skipa þrír menn. Biskup Íslands, eða fulltrúi sem hann tilnefnir sérstaklega sem varamann sinn, er formaður. Stjórn Hjálparstarfs kirkjunnar tilnefnir einn stjórnarmann og annan til vara til fjögurra ára í senn og Prestastefna kýs einn fulltrúa og varamann hans með sama hætti. Þess skal gætt að jafnan sitji a.m.k. ein kona í stjórninni.

## 6. gr.

Sjóðstjórn úthlutar eigi sjaldnar en árlega að fengnum umsóknum hverju sinni, en er jafnframt heimilt að úthluta oftari ef þurfa þykir. Stjórnin ákveður að öðru leyti nánari tilhögun úthlutunar. Stjórn sjóðsins má fela Hjálparstarfi kirkjunnar að annast um daglega umsýslu sjóðsins, svo sem kynningu á honum og umsóknir um framlög úr honum, sbr. þó 7. gr.

## 7. gr.

Stofnfé sjóðsins er kr. 13.942.329. Sjóðurinn er í vörslum biskupsstofu sem sér um fjárreiður hans og bókhald. Reikningsár er almanaksárið. Reikningar sjóðsins skulu endurskoðaðir árlega af Ríkisendurskoðun eða löggiltum endurskoðanda.

## 8. gr.

Ávaxta skal fé sjóðsins sem tryggilegast og arðvænlegast. Óheimilt er að skerða höfuðstól sjóðsins. Skal miðað við raungildi höfuðstóls á staðfestingardeg.

## 9. gr.

Tekjur sjóðsins eru:

- a) arður, þar með taldir vextir af eignum sjóðsins
- b) gjafir, áheiti og önnur framlög sjóðnum til styrktar
- c) aðrar tekjur en að ofan greinir.

## 10. gr.

Arður sjóðsins af stofnfé og öðrum eignum skal renna til styrktar málefnum. Verði afgangur af tekjum sjóðsins ákveður sjóðstjórn hverju sinni hvort honum skuli ráðstafað síðar eða leggjast við höfuðstól sjóðsins. Óheimilt er að skerða raungildi höfuðstóls eins og það verður með viðbótum skv. 2. ml. ákvæðis þessa. Raungildi miðast við þann dag er lagt var við höfuðstól.

## 11. gr.

Samþykki allra stjórnarmanna þarf fyrir breytingum á skipulagsskrá þessari. Henni skal einungis breytt ef nauðsyn krefur til að ná markmiðum sjóðsins eða svipuðum markmiðum og skal þess gætt að fara eftir óskum stofnenda svo sem unnt er.

Um breytingar á skipulagsskrá þessari, sameiningu eða niðurfellingu sjóðsins fer að öðru leyti að lögum.

## 12. gr.

Meðfylgjandi skipulagsskrá þessari er fylgiskjal sem er yfirlit um tilgang þeirra sjóða sem mynda þennan sjóð.

## 13. gr.

Leita skal staðfestingar dómsmálaráðherra á skipulagsskrá þessari. Þá falla úr gildi skipulagsskrár sjóða þeirra sem sameinaðir hafa verið í sjóð þennan, sbr. 3. gr., en þeir eru Barnahælisjóður Jórunnar Melsted nr. 285 21. desember 1928, Ekknasjóður Íslands nr. 554 21. janúar 1944, Minningarsjóður Ingunnar Knútsdóttur nr. 450 27. október 1939 og Styrktarsjóður Hjálmars Jónsonar nr. 70 10. júní 1903.

*Ákvæði til bráðabirgða.*

Tilnefna og kjósa skal stjórnarmenn og varamenn þeirra, sbr. 5. gr., svo skjótt sem auðið er eftir að skipulagsskrá þessi hefur verið staðfest og gildir umboð þeirra til loka árs 2002.

Reykjavík, 16. desember 1999.

Karl Sigurbjörnsson biskup Íslands.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

*Dóms- og kirkjumálaráðuneytinu, 1. mars 2000.*

F. h. r.

**Björn Friðfinnsson.**

*Fanney Óskarsdóttir.*

**Fylgiskjal 1.****Líknar- og viðlagasjóður kirkjunnar.**

| Heiti sjóðs                      | Hlutverk                                                                                                                                                                                                                              | Sjóðstjórn                                                                            | Heimild                              |
|----------------------------------|---------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------|--------------------------------------|
| Barnahælisjóður Jórunnar Melsted | Til uppeldis fátækum, munaðarlausum stúlkubörnum, fæddum í Reykjavík eða á Álfanesi í Gullbringusýslu, til 15 ára aldurs. Nokkrum hluta skal verja til byggingar barnahælis er beri nafnið „Barnahæli Jórunnar Ísleifsdóttur Melsted“ | Borgarstjórnin í Reykjavík, biskupinn yfir Íslandi og 3 konur                         | Skipulagsskrá staðfest 21. des. 1928 |
| Ekknasjóður Íslands              | Styrkja fátækar ekkjur á Íslandi til að halda heimilum sínum og ala upp börn sín, einnig þær, er mennirnir hafa yfirgefið, án þess að þær eigi sök á. Kristindómsfræðsla og viðreisn föllnum konum                                    | Biskup Íslands, yfirlæknir við Tryggingastofnun ríkisins og ein kona tilnefnd af þeim | Skipulagsskrá staðfest 21. jan. 1944 |
| Fæðingargjafasjóður Íslands      |                                                                                                                                                                                                                                       |                                                                                       |                                      |
| Gjafasjóður Sigríðar Helgadóttur | Til náms heyrnar- og mállausum börnum                                                                                                                                                                                                 |                                                                                       | Erfðaskrá dags. 14. jan. 1942        |

| Heiti sjóðs                | Hlutverk                                                        | Sjóðstjórn                                                                                                            | Heimild                                    |
|----------------------------|-----------------------------------------------------------------|-----------------------------------------------------------------------------------------------------------------------|--------------------------------------------|
| Hjálparsjóður<br>biskups   | Gjöf til bágstaddra (staðfest af biskupi) 1967                  |                                                                                                                       |                                            |
| Líknarsjóður               |                                                                 |                                                                                                                       |                                            |
| Minningarsjóður            | Styrkja munaðarlaus börn til dvalar á barnaheimili              | Biskup Íslands, aðal-<br>dómkirkjupresturinn<br>í Reykjavík og<br>lögmaðurinn<br>í Reykjavík                          | Skipulagsskrá<br>staðfest 27.<br>okt. 1939 |
| Ingunnar                   |                                                                 |                                                                                                                       |                                            |
| Knútsdóttur og<br>Sigríðar |                                                                 |                                                                                                                       |                                            |
| Kristjánsdóttur            |                                                                 |                                                                                                                       |                                            |
| Presteknasjóður            | Skal til styrks handa fátækum uppgjafaprestum og<br>prestekkjum | Fénu skal skipt niður á<br>Synodus samkvæmt<br>ákvæðum tilskipunar-<br>innar                                          | Tilskipun<br>gefin út 15.<br>des. 1865     |
| Styrktarsjóður             | Til styrktar verðugum og fátækum ekkjum og börnum               | Biskup Íslands og tveir<br>aðrir, er landshöfðingi<br>tilnefnið ævilangt og sé<br>jafnan annar þeirra<br>lögfræðingur | Skipulagsskrá<br>staðfest 10.<br>júní 1903 |
| Hjálmars                   | Íslenskra fiskimanna, er á sjó drukknar                         |                                                                                                                       |                                            |
| Jónssonar                  |                                                                 |                                                                                                                       |                                            |
| Styrktarsjóður             |                                                                 |                                                                                                                       |                                            |
| Þorsteins                  |                                                                 |                                                                                                                       |                                            |
| Scheving                   |                                                                 |                                                                                                                       |                                            |
| Thorsteinssonar            |                                                                 |                                                                                                                       |                                            |

Nr. 166

21. janúar 2000

## GJALDSKRÁ

### fyrir hundahald í Siglufirði.

1. gr.

Árgjald vegna hundahalds, sbr. 2 gr. C og 5. gr. í samþykkt um hundahald á Siglufirði frá 21. janúar 2000, skal vera kr. 6.000 fyrir árið, með gjalddaga 1. maí.

Eindagi er 30. júní og fellur hundaleyfið úr gildi sé ekki greitt í seinasta lagi á eindaga.

2. gr.

Handsömunargjald er kr. 5.000. Geymslugjald fyrir handsamaðan hund er kr. 500 fyrir hvern sólarhring umfram þann fyrsta.

3. gr.

Ofangreind gjaldskrá bæjarstjórnar Siglufjarðar staðfestist hér með skv. 25 gr. laga nr. 7/1998 um hollustuhætti og mengunarvarnir, og samþykkt um hundahald í Siglufirði nr. 73 frá 21. janúar 2000, til þess að öðlast þegar gildi.

*Siglufirði, 21. janúar 2000.*

**Guðmundur Guðlaugsson** bæjarstjóri.